

**EKSKLUZIV**

Drago Kos, svjetski ekspert, za „Avaz“ o akciji „Brend“



Kos:
Ozbiljno
čišćenje

Ako BiH želi u EU, obračun s korupcijom neće moći izbjeći

SIPA, Tužilaštvo i sudovi sigurno će biti napadani optužbama da rade politički motivirano

Drago Kos, čelnik Radne grupe protiv podmičivanja u okviru Organizacije za ekonomsku saradnju i razvoj (OECD), koja je u svijetu ekspert broj jedan kada je riječ o nadzoru korupcijskih tokova na globalnom nivou, ekskluzivno je za „Avaz“ prokomentirao hapšenje članova porodice Lijanović, u jednoj od najvećih akcija u našoj državi usmjerenih na borbu protiv organiziranog kriminala i poreznih utaja.

Daljnji postupci

Kos, dugogodišnji predsjednik Grupe zemalja za borbu protiv korupcije pri Vijeću Evrope (GRECO), kazao nam da obim akcije „Brend“ u kojoj je uhapšeno 11 osoba, među njima i potpredsjednik Vlade FBiH Jerko Ivanković (NSRzB), „ukazuje na to da Tužiteljstvo BiH

Raskrinkao Lijanoviće

Kos je bio i jedan od ključnih ljudi koji su raskrinkali ulogu Lijanovića u nanošenju ogromne štete „Hypo banci“. On je, naime, bio na čelu istražnog tima „CSI Hypo“ koji je ispitao poslovanje podružnice banke u Mostaru. Nakon provedene istrage utvrđeno je da je organizirana grupa, s Jerkom Ivankovićem Lija-

i Državna agencija za istrage i zaštitu (SIPA) misle ozbiljno i da raspolažu dostatnim dokazima koji su omogućili njihovo postupanje“.

- Je li ovo znak da je država BiH stvarno odlučila da se uhvati ukoštac s organiziranim kriminalom i korupcijom na najvišoj razini, pokazat će tek daljnji po-

novićem i bivšim direktorom banke Petrom Jurčićem na čelu, počinila brojne prevare pri dobivanju kredita.

Sve to imalo je za posledicu da Uprava banke podigne krivičnu prijavu Tužilaštvu BiH protiv Lijanovića i drugih osoba zbog prevare, korupcije i davanja mita, pri čemu je „Hypo banka“ oštećena za 64 miliona KM.

stupci i odluke. Ako osumnjičeni na kraju budu osuđeni, to će biti jasan dokaz da se ni u BiH više ne toleriraju sprege politike i kriminala i angažiranje pojedina u politici samo zbog toga da bi se lakše bavili kriminalom - naglasio je Kos.

Naveo je da će do konačne presude trebati dosta

vremena te da cijeni da će za to vrijeme SIPA, Tužilaštvo i sudovi sigurno biti optuživani da rade politički motivirano, a ponajviše zbog toga jer se bliže izbori.

Ključni čovjek

- Neće im biti lako, ni istražiteljima, ni tužiocima, ni sudijama, ali ubijeđen sam da su njihovo znanje, profesionalnost i odanost poslu već davno dostigli razinu koja će stvarno podignuti borbu protiv organiziranog kriminala i korupcije u državi na nivo koji će polako omogućiti BiH da počne s ozbiljnim čišćenjem svega što se nakupilo u posljednjim godinama. A to se ionako neće moći izbjeći ako država hoće da uđe u EU - kazao je Kos u ekskluzivnoj izjavi za naš list.

A. DUČIĆ